



■ Góð mæting var á Landsfundi Kvennalistans, sérstaklega meðal kvenna á landsbyggðinni.

Kvennalistinn:

NT-mynd: Árni Bjarna

„Árangursríkur og laus við ágreining“

— segir Guðrún Agnarsdóttir um landsfundinn sem haldinn var um helgina

■ „Við viljum breytta stefnu í húsnæðismálum, þar sem fólk verði tryggi húsnæði án þess að það þurfi að leggja á sig ok vinnu og skuldklafa. Endurskoða verður lánakjör þeirra sem vilja eignast húsnæði til eigin afnota. Við viljum stórauka byggingu leiguþúsnaðis og styðjum búseturéttarhugmyndina.“

Svo hljóðar ein af fjöldamörgum ályktunum sem samþykkтар voru á landsfundi Kvennalistans en hann var haldinn í Gerðubergi helgina sem leið. Fundinn sátu um 80 konur úr öllum landshlutum, en formleg félög Kvennalistans eru nú starfandi í sex kjördænum af átta. Er þetta í þriðja skipti sem Kvennalistinn heldur landsfund sinn.

„Sá þriðji, en jafnframt sá besti að mínu mati,“ sagði Guðrún Agnarsdóttir þingmaður Kvennalistans, aðspurð um fundinn í samtali við NT. „Fundurinn var afskaplega fríðsamlegur og laus við ágreining, en árangursríkur eftir því. Mæting kvenna af landsbyggðinni var mjög góð, og áhugi er á því meðal kvenna í þeim tveimur kjördænum sem á vantar að stofna félagssamtök. Á fundinum voru flutt tflu mjög áhugaverð erindi og útfrá þeim spunnust fjörlagar umræður um hina ýmsu málaflokka.“

Sagði Guðrún annars að ekki hefði áhersla verið lögð á eitt málefni umfram annað, nema ef vera skyldi stöðu kvenna í þjóðfélaginu, en ályktanir sem samþykktar voru, eru mjög fjölbreytilegar og nái til flestra svíða þjóðlífsins þar er m.a. stefna ríkisstjórnarinnar í efnahagsmálum gagnrýnd harðlega, og reynt að gera grein fyrir hættunni sem 40% verðbólga hefur í för með sér, en í þá tölu stefnir hún nú. Um það segir m.a. í ályktuninni „þessi tala kann að hljóma vel í eyrum þeirra sem hafa kynnst yfir 100% verðbólgu, en hafa ber i huga, að aðstaður nú eru svo gjörólíkar, að 40% verðbólga hefur nú aðrar afleiðingar en hún hafði fyrir nokkrum árum, þar sem skuldir einstaklinga og fyrirtækja eru nú verðtryggðar með háum vöxtum“.

Kvennalistinn telur ástæðu til að óttast afleiðingar þessa, og svo gæti farið að innan fárra mánaða standi skuldugt fólk upp eignalauð og fyrirtæki sem standa undir afkomu okkar, verði gjaldþrota.